



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XL. Ejusdem communicationis explicatio. Ubi de communicatione
Indulgentiarum.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

aliis Ordinibus quibuscumque non Mendicantibus quomodolibet concessis, & concedendis, frui debere, in omnibus, ac per omnia, perinde ac si eis concessa specialiter fuissent, &c, autoritate & tenore praesentium decernimus, volumus, & mandamus. Eadem communicationem iisdem ferè verbis idem Pontifex nobis Carmelitis concessit, in Bulla ex Clementis anno 1530. Et Fratribus Augustiniianis, in Bulla Romanus eodem. Et anno 1552. in Bulla Sacro.

355 Unde cùm Societas sit Religiosus Ordo, & inter Mendicantes Ordines computetur, haud dubium quin alii Mendicantes Ordines uti & frui possint privilegiis Societati concessis. An etiam illis quæ Societati concessa sunt cum clausula prohibitiæ communicationis v. g. in Bulla Gregorii XIII. quæ incipit ubi post multa Societati concessa, in fine subjungit: *præsentis autem constitutionis & gratia communicationem omnibus aliis, qui sua privilegia cum Societate copiose participant, participareque poterunt, quomodolibet in futurum fieri omnino prohibemus?* Respondeo quòd sic. Ita Rodriguez, Miranda, Joannes de la Cruz, & alii quos refert, sequiturque Donatus Laynenis to. 1. rer. Regular. tract. 7. q. 8. quia Gregorius XIII. ligare non potuit manus Pontificum Successorum: cùm par in parem non habeat potestatem, & ea omnia possit successor, quæ potuit prædecessor; nec dubium quin successor concedere possit communicationem, quam prædecessor concedere noluit, sed prohibuit. Successores vero Gregorii XIII. ex certa scientia, deque Apostolicae potestatis plenitudine conceperunt amplissimam communicationem privilegiorum omnium, etiam Societatis, cum amplissimis etiam non obstantiis, derogatoriisunque derogatoriis, fine alia exceptione, & restrictione, nisi ista, quatenus Sacri Concilii Tridentini Decretis, nec non regularibus dicti Ordinis Institutis non aduersentur, & revocata non sint. Sic Cisterciensibus concessit Gregorius XIV. in Bulla *Romanus Pontifex*, Bulla 3. in Bullario Rodriguez. Sic etiam idem anno 1591. concessit Clericis Regularibus infirmis ministrantibus, in Bulla quæ incipit, *illius qui pro gregis;* quam Rodriguez refert to. 1. qq. Regular. q. 55. a. 7. 11. & 17. Et Urbanus VIII. Clericis Regularibus Scholarum pauperum anno 1622. in Bulla *ad uberes*, apud Cherubim to. 4. Constitut. 15. Urbani VIII. Et Minimis anno 1624. Bulla 1. apud Peyrinum. Et Disiscalceatis Ord. SS. Trinit. Redemptionis Captivorum, in Bulla quam refert Leander à SS. Sacramento disp. 7. de Ordine q. 23. Qui quidem Pontifex in duabus istis Bullis novissimi, communicationem illam concedit in omnibus privilegiis, quamvis illa sint speciali notâ digna, difficilis concessionis, & ea quæ in generali confessione non veniunt.

356 Et ideò Donatus Layensis loco citato

tr. 7. q. 8. n. 10. censet per privilegia Societati concessa, cæteros Regulares posse absque intermissione, extra tempora, ad Ordines promoveri, &c.

CAPUT XL.

Ejusdem communicationis explicatio, Ubi de communicatione Indulgentiarum.

Duo tamen circa assertam communica-
tionem explicanda superfunt. 1º. an in
generali communicatione privilegiorum, &
gratiarum, etiam communicatæ censeantur
Indulgentiæ? 2º. an generalis illa privile-
giorum communicatio extendatur ad ea quæ
Conventui vel Domui concessa sunt, ita ut
privilegia uni Domui, vel Conventui ali-
cujus Ordinis concessa, eo ipso communi-
cata censeantur omnibus Conventibus & Do-
mibus ejusdem Ordinis, & consequenter om-
nibus aliis Ordinibus communicantibus.

Ad 1. respondeo affirmativè, cum qua-
dam tamen proportione & decentia, idque
intelligendo de Indulgentiis toti alicui Ordini vel generaliter, vel per communicatio-
nem concessis; non vero de illis quæ alicui
speciali loco ob speciale rationem concessæ
sunt. Ita Donatus loco citato q. 15. Et ra-
tio est, quia Indulgentiae verè comprehen-
duntur nomine gratiarum, quarum concessa
est communicatio. Immò latè faltem com-
prehenduntur etiam nomine privilegiorum.
Cum omnis gratia privilegium nuncupetur.
Joannes Andreas ad cap. *olim* de verb. signif.
Baldus in prælud. feud. n. 18. Gramm. de-
cis. 59. n. 29.

Unde omnes Indulgentiæ concessæ Festi-
vitatis unius Ordinis, communicantur con-
similibus Festivitatibus singulorum aliorum
Ordinum communicantium. Exempli gratiâ
Indulgentiæ concessæ visitantibus Ecclesiæ
Prædicatorum in Festis sanctorum Dominici,
Petri Martyris, Thomæ Aquinatis, Catha-
rinae Senensis, &c, communicantur visitan-
tibus Ecclesiæ Carmelitarum in Festis san-
ctorum Eliæ, Angeli Martyris, Alberti,
Theresiæ, &c. Ita concessit Julius II. anno
1509. in Bulla *alias ad supplicationem*, quæ
est 13^a. ejusdem Pontificis apud Peyrinum.

Item omnes Indulgentiæ concessæ, & 360
concedenda Ecclesiæ, & Domibus unius
Ordinis Mendicantium, vel non Mendicantum, aut eas visitantibus, communican-
tur Ecclesiæ & Domibus aliorum Ordinum
communicantium, vel eas visitantibus. Ita
Leo X. concessit in Bulla *dudum per nos*,
apud Lezanum verbo *Indulgentia*, ubi Pon-
tifex *omnes & singulas gratias, concessiones, in-
dulgentias, peccatorum remissiones, &c, unius
dictorum Ordinum Domibus, Oratoriis, & Ec-
clesiæ, & Ecclesiæ ipsas, vel Oratoria visitanti-
bus (cujuscumque statu existant) concessas & con-
cedendas, communicat Domibus, Ecclesiæ, & O-*

ratoris singulorum Ordinum Mendicantium, & visitantibus Ecclesiæ, aut Oratoria, cuiuscumque sint statūs. Quod tamen non est intelligendum de Indulgenterii concessis alicui particulari Ecclesiæ, ob specialem in ea populi devotionem, non vero omnibus Ecclesiæ Ordinis, ut antè dixi, notatque Lezana loco citato n. 8. Unde in citata Bulla Leo X. declarat, sacerdtales in Ecclesiæ aliorum Ordinum lucrari non posse Indulgenterias S. Mariæ del populo.

361 Ex concessione etiam Clementis VIII. in Bulla ex Clementi omnes indulgentiae, favores & gratiae, concessæ & concedendæ Confraternitatibus aliorum Ordinum, communicantur Confraternitati S. Scapularis, cum hac quidem restrictione, circa Indulgenterias plenarias; sed hanc restrictionem suffulit Clemens VIII. in Bulla expedita 20. Martii 1594. quæ videri potest apud nostrum R. stratum de Indulgenteriis. cap. 12. Proinde Confratres S. Scapularis communicant in omnibus Indulgenteriis Confraternitatis S. Rosarii, Cordæ S. Francisci, SS. Trinitatis, &c. Confraternitates tamen istæ non participant in privilegio Bullæ Sabbathinæ: quia privilegium itud est singularis gratia B. Virginis, ab ipsam cælitus obtenta, & concessa, & approbata dumtaxat à SS. Pontificibus. Communicatio autem solum est in privilegiis qua procedunt ab hominibus, vel ab Apostolica Sede. Merito proinde Cartagena tract. I. de sacra antiquitate Ordinis Carm. c. 4. privilegium Bullæ Sabbathinæ vocat singularissimam gratiam, quæ nulla alia Religio potitur.

362 Nec Paulus V. ejusdem Confraternitatis Indulgenterias postmodum revocando, censendus est revocasse eas quas habet per communicationem, sed solum Indulgenterias specialiter ipsi concessas, quarum loco alias de novo ipsi concessit. Nec certè communicationem ipse, vel successores Pontifices interderunt extinguere, sed fore.

363 Cæteri proinde Mendicantes, & eorum Ecclesiæ, seu eas visitantes, communicant in Indulgenteria Communicationis generalis PP. Societatis, sive in Bulla istius Indulgenteriae apposita sit clausula exclusiva communicationis (quam Patres Societatis, quantum scio, haec tamen non ostenderunt) sive non. Ob dicta n. 355.

364 Nec certè Indulgenteria illa aliter est speciali notâ digna, quam alia insignia aliorum Ordinum privilegia, quorum participes sunt PP. Societatis. Et ut sint, etiam Indulgenteriarum speciali notâ dignarum concessa est communicatio, ut dictum est n. 356, in fine. Et ratio istius communicationis est, quia mens Summorum Pontificum est ostendere æqualem erga omnes Ordines communicantes affectum, eumque in finem ipsos, & Ecclesiæ ipsorum, easque visitantes, æquare in privilegiis & indulgentiis.

Quem etiam in finem, & ob identitatem Ordinis inter nos, & Discalceatos nostros, omnia & singula privilegia, indulta, immunitates, exemptiones, Indulgenterias, & gratias Discalceatis nostris, corumque Domibus, Ecclesiæ, Altaribus, &c. per Sedem Apostolicam haec tamen quomodolibet concessa, etiam cum clausula prohibitiva communicationis, & in futurum concedenda, pariformiter & absque ulla differentia nobis & Conventionibus ac Domibus, Ecclesiæ, Altaribus nostris anno 1670. concessit Clemens X. in Bulla ad uberes, cuius hæc sunt formalia verba. Clemens Papa X. ad perpetuam rei memoriam. Ad uberes bonorum operum fructus, quos dilecti filii Fratres Calceati nuncupati Ordinis B. Mariae de Monte Carmelo, adspicante superni favoris auxilio, in Ecclesia Dei proferre affidit satagunt, paterna dirigenies confederatiois intuitum, rationi conseruante reputamus, ut religiosa eorum studia, felicesque progressus, spiritualium gratiarum, atque privilegiorum numeribus confoveamus, atque decoremus. Cum itaque, sicut dilectus filius Mattheus Orlandus, Prior Generalis dicti Ordinis, nobis super expensi fecit, dudum fel. rec. Clemens Papa VIII. Predecessor nosper quasdam suas die 23. Martii 1594. & die 20. Augusti 1603. expeditas litteras, que subinde à fel. mem. Paulo Papa V. Predecessore pariter nostro confirmata fuerunt, Congregationem FF. Discalceatorum nuncupatorum ejusdem B. Mariae de Monte Carmelo esse unius ex quatuor Ordinibus Mendicantibus, Ordinem scilicet Carmelitanum, ipsiusque Congregationi, & Discalceatis omnia, ad predictum Ordinem tam de jure, quam ex privilegiis attinentia, tamquam propria competere, ac ejusdem Congregationis Prepositum Generalem, Fratres, & Moniales, Domos, Conventus, & Collegia, ceteraque ejusdem pertinencia respectivæ privilegiis, indulsiis, immunitatibus, exemptionibus, indulgentiis, & gratiis, dicto Ordini concessis, & concedendis, ut, & gaudere debere declaraveris, & alia prout in predictis litteris uberioris continetur. Lice autem Fratres Carmelita Calceati omnibus privilegiis, indulgentiis, & gratiis predictis Congregationi FF. Discalceatorum concessis haec tamen fructus sint, in vim dictæ declarationis, quæ, ob identitatem ejusdem Congregationis cum Ordine Carmelitano, decernitur id quod uni est concessum, alteri quoque tamquam proprium competere; nonnulli tamen circa hoc scrupulum habende patiuntur, è quod non sit expressa declaratio pro FF. Carmelitani Calceatis, sicuti est pro Discalceatis: Nobis propterea dictus Mattheus Prior Generalis humillime supplicari fecit, ut in premisis opportuniè providere, & infra indulgere de benignitate Apostolica dignaremur. Nos igitur ipsius Matthei Prioris Generalis voluntate haec in re, quarum cum Domino possimus, favorabiliter annueremus volentes, eumque à quibusvis excommunicationis, suspensionis, & interdicti, alisque Ecclesiasticis sententiis, censuriis, & penitentijs, vel ab homine, quavis occasione vel causæ latiti,

tatis, si quibus quomodolibet innodatus existit, ad effectum presentium dumaxat consequendum harum serie absolventes, & absolucione fore censentes, ac tam predictarum, quam aliarum quarumcumque litterarum Apostolicarum ad favorem memoriorum FF. Discalceatorum, eorumque Congregationis quomodolibet, & quandocumque emanatarum tenores presentibus pro plenè, & sufficienter expressis, & inseritis habentibus, hujusmodi supplicationibus inclinati, predicto Ordini, ejusque FF. Calceatis, & Monialibus, ac Domibus, Conventibus, Collegiis, caterisque ad eosdem quomodolibet pertinentibus respetu, ut omnibus & singulis privilegiis, indulxit, immunitatis, exemptionibus, indulgentiis, & gratiis, que dictæ Congregationi FF. Discalceatorum, ejusque Fratribus, Monialibus, Domibus, Collegiis, caterisque ad ipsam Congregationem quomodolibet pertinentibus, haec tñus per Sedem Apostolicam quomodolibet, etiam cum clausula prohibitiua communicationis, concessa fuerunt, & infuturum quandocumque concedentur, dummodo tamen sint in usu, nec revocata, aut sub aliquarevocatione comprehensa, pariformiter, & absque illa prorsus differentia, ut, frui, potiri, & gaudere liberè, & licet possint, & valeant in omnibus, & per omnia, perinde ac si eidem Ordini, ejusque FF. Calceatis, & Monialibus, ac Domibus, Conventibus, Collegiis, caterisque ad ipsum Ordinem pertinentibus hujusmodi nominatum, & expresse concessa fuissent, & in futurum concederentur, auctoritate Apostolica, tempore presentium, concedimus, & indulgemus. Dernentur easdem presentes litteras semper firmas, validas, & efficaces existere, & fore, susque plenarios, & integros effectus fortiri, & obinere, ac illis, ad quos spectat, & pro tempore quandocumque spectabili, in omnibus, & per omnia plenissime suffragari: sicutque in premisis per quoscumque Judices ordinarios, & delegatos, etiam causarum Palatii Apost. Auditores, judicari, & definiri debere, ac irritum, & inane, si secus super his a quoquam, quavis autoritate scientier, vel ignoranter contigerit attentari. Non obstantibus premisis, ac nostrâ, & Cancellaria Apost. regulâ de non concedendis Indulgentiis ad instar, aliisque Constitutionibus, & Ordinationibus Apostolicis, necnon omnibus & singulis illis, que in predictis litteris Apostolicis concessa sunt non obstat, caterisque contraria quibuscumque. Volumus autem, ut ipsarum presentium litterarum transumptis, seu exemplis, etiam impressis, manu alicuius Notarii publici subscriptis, & sigillo persona in dignitate Ecclesiastica constituta munitis, eadem prorsus fides in judicio, & extra adhibeatur, que ipsis presentibus adhibetur, si exhibite, vel ostensa forent. Datum Roma apud S. Mariam Majorem, sub anno Piscatoris, die 31. Octobris 1670. Pontificatus nostri anno 1. J. G. Slusius.

366 Cujus concessionis vigore nobis, seu Ecclesiis & Altaribus nostris, communicatum est Altare privilegiatum pro animabus defunctorum singulis diebus, sicut Ecclesiis, seu

Tom. II.

H

lità habitationis secus Montem Quirinalem, medio juramento, tælo pectori, more, &c. recognovit, & recognoscit superscriptam ejus manum, literas, & subscriptionem manu propriâ à tergo suscripti memorialis. Façum omni meliori modo, &c. Super quibus, &c. Ita ego Jo. Baptista Angelicus Curia Cauf. R. Cam. Apost. Not. Locus (X) sigilli. Et alias, prout latius in actis ad qua, &c. In quorum fidem, &c. Datum Roma hac die 20. Novembris 1670.

Signatum. Ita est, Antonius Felix Petrichius Not. Locus (X) sigilli. Et infra: Nos Aloissius de Aquino Prothonotarius Apost. utriusque signature sanctissimi D. N. Papa Referendarius, necnon Curia Causarum Camera Apost. Generalis Auditor, Romaneque Curia Index Ordinariarum, Universis, &c. fidem facimus arque testamur sopraddictum D. Antonium Felicem Petrichium fuisse, & esse verum, publicum, lealem, authenticum, ac fide dignum Curia nostra Notarium, scripturisque suis publicis, & similibus in judicio, & extra semper adhibitam fuisse, ac de presenti plenam, indubiamque adhiberi fidem. In quorum fidem, &c. Datum Roma ex Aedibus nostris hac die 20. Novembris 1670.

Signatum: Hier. Simoncellus Notarius. Locus (X) sigilli.

367 Ad 2. respondeo negativè cum Donato Laynensi ubi suprà tr. 7. q. 14. & nostro sapientissimo P. Lezana to. 2. qq. regul. c. 1. num. 52. nisi eadem vel similis ratio militet in aliis. Quia privilegium generale non extenditur ad ea in quibus Ecclesia specialis habet Constitutiones & Statuta, cap. si propter de rescript. in 6. nec concessum unius Ecclesiae vel Provinciae, seu loco, ad aliam Ecclesiam, Provinciam, seu locum trahi potest, cap. cum capella de privileg. communicatione.

368 Nec refert quod Pius IV. ad instantiam Catholici Regis Philippi II. concesserit Hieronymianis in Hispania, quod privilegia concessa uni, vel quibusdam Monasteriis istius Ordinis, censeantur concessa aliis ejusdem Ordinis Monasteriis, ut refert noster Lezana loco citato. Quodque Paulus III. anno 1537. concessisse dicitur Congregationi S. Justinæ, quod cuiusvis particularis Monasterii ipsius Congregationis privilegia toti Congregationi praeditæ, & illius particularibus Monasteriis communia sint. Cum enim hoc validè exhorbitet à jure communio, non est ampliandum, sed restringendum, id est strictè interpretandum, de privilegiis, qua uni talis Ordinis vel Congregationis Monasterio concessa sunt, tanquam Monasterio talis Ordinis vel Congregationis, vel ubi in aliis militat eadem vel similis ratio. Alias enim quis credit (ait Lezana ibidem) quod privilegium concessum uni Monasterio, ratione paupertatis ipsius, communicetur ali diviti & opulento? aut quod privilegium concessum uni Ecclesiae, ob magnam populi devotionem, quæ illic est ratione alicujus devotissimæ imagi-

nis v. g., communicetur aliis Ecclesiis, ubi talis devotione non est, &c? Non magis certè credibile est quod ista sit SS. Pontificum intentio, quam quod eorum intentio sit quod privilegium non recitandi officium in choro, non cantandi, non eundi ad publicas processiones, &c. Societati concessum ob speciem rationem Instituti ipsius, communicetur aliis Ordinibus, in quibus specialis ista ratio non militat.

CAPUT XLI.

Mendicantes per Apostolica privilegia exempti sumi à jurisdictione Episcoporum, sicut & ipsorum Ecclesie, Oratoria & loca, Domus, Conventus & bona.

I Stam exemptionem Carmelitæ habent à Joanne XXII. in Bulla sacer Ordo vester: ita quod (ait Pontifex) nec locorum Ordinarii, nec alia quævis persona Ecclesiastica, in vobis, Ordinem vestrum, personas, loca, &c. utpote prorsus exempta, possint excommunicacionis, suspensionis, & interdicti promulgare sententias, vel alias potestatem, seu jurisdictionem aliquam exercere. Quod si forsitan quidquam in contrarium à quoquam fuerit attentatum, illud omnino irrrutum sit & inane.

Eandem Dominicani habent à Gregorio XI. in Bulla virtute conspicuas.

Minoritæ à Clemente IV. in Bulla virtute conspicuas.

Augustiniani à Bonifacio VIII. in Bulla sacer Ordo.

Nec icti exemptioni Mendicantes, absque Pontificis licentia, renuntiare possunt, sub pena nullitatis, ut ex communi Juristarum sententia, variis Rotæ decisionibus, & sacris Canonibus probat Lezana consulto 3. num. 34. signanter ex cap. cum tempore de arbitris, ubi Innocentius III. ait: Cum etiæ vulneris, de jure tamen nequieris, sine licentia Romanorum Pontificis, renuntiare privilegiis, vel indulgentiis libertatis, que Monasterium illud probant ad jus & proprietatem Romana Ecclesia pertinere. Quæ ratio quadrat in Mendicantes, eorumque Monasteria, Ecclesiæ, bona, &c. Quia ut Joannes XXII. in Bulla suprà relata ait: Vos & predictum Ordinem, personas, & Ecclesiæ, Oratoria, Domos, res alias, & loca vestra, ac spectantia ad eadem, in quibus inhabitatis ad præsens, vel inhabitabitis in futurum, cum omnibus iuribus, & pertinentiis suis, ac personis degentibus in eis, in jus & proprietatem B. Petri, & Apostolica Sedis afferimus. Talis proinde renuntiatio injuriosa & præjudicabilis eset Apostolicæ Sedi, cujus interest habere Religiosos cum pertinentiis suis & bonis sibi immediatè subjectos.

Episcopi itaque non possunt suis præceptis & Constitutionibus subjictere Mendicantes. Et ideo inter gravamina, & vexationes, quibus Mendicantes ab Episcopis molestabantur.